

職官分紀

欽定四庫全書

職官分紀卷十四

宋 孫逢吉 撰

都督府

晉職官志驃騎以下及諸大將軍不開府非持節都督者品秩第二其假節為都督者所置與四征鎮加大將軍不開府為都督者同置叅佐吏卒幕府兵騎如常都督制唯朝會祿賜從二品將軍之例然則持節都督無

丞置一人屬官治書侍御史二人侍御史九人殿中御史四人又有符節令史員北齊御史臺掌察糾彈劾中丞一人治書御史二人御史八人殿中侍御史檢校御史各十二人錄事四人領符節署令一人符璽郎中四人後周以為司憲府隋高祖置御史臺大夫一人治書侍御史二人侍御史八人殿中侍御史監察御史各十二人錄事二人後魏延昌中王顯有寵於宣武為御史中尉請革選御史此後踵其事每一中尉則更置御史

自開皇以後始自吏部選用仍依舊入直禁中煬帝增置謁者司隸二臺并御史為三臺開皇中御史直宿禁中至是罷其制又置主簿錄事員各二人

唐職官志御史臺

秦漢曰御史府後漢改曰憲臺魏晉宋改曰蘭臺梁陳北朝咸曰御史臺

武德因之龍朔二年改憲臺咸亨復光宅元年分臺為左右號左右肅政臺左臺專知京百司右臺按察諸州神龍復為左右御史臺延和中廢右臺光天二年復十月又廢大夫一員中丞二人侍

御史四人主簿一人錄事二人主事二人令史十七人書令史二十三人殿中侍御史六員令史八人書令史

十八人監察御史十員殿中監一員少監三員丞二人

主事二人令史四人書令史十二人亭長掌固各八人

唐百官志御史臺大夫一人中丞二人侍御史六人殿

中侍御史九人監察御史十五人

光宅元年分左臺右臺左臺專知百司監

軍旅右臺察州縣省風俗尋命左臺兼察州縣兩臺歲再發使八人春日風俗秋日廉察兩臺御史有假有檢校有員外有試神龍初皆廢景雲四年以兩臺望齊糾舉苛察百僚厭其煩乃廢右臺延和元年復置歲中以尚書省隸左臺月餘而左臺復廢至德後諸道使府參佐皆以御史為之謂之外臺復有檢校裏行內供奉或兼或攝諸使下官亦如之會昌初升大夫中丞品東都留臺有中丞一人侍御史一人殿中侍御史二人監察

御史三人元和後不置中丞以侍御史殿中御史監察御史主留臺務而三院御史亦不常備

通典舊例御史臺不受訴訟有通辭狀者即於臺門候御史御史徑往門外收探知可彈者略其姓名皆云風聞訪知永徽中崔義玄為大夫始定受事御史人知一日劾狀題告人姓名

國朝治平元年閏五月詔御史臺閣門十日一具文武細書班簿以進自今大書為冊月上之

周歷三臺後漢蔡邕以侍御史轉治書侍御史遷尚書三日之間周歷三臺

三臺謝靈運晉

書尚書為中臺御史為憲臺謁者為外臺是謂三臺

其門北開

北齊楊楞伽鄴都故事云御史臺在

宮門西南其門北開取冬殺之義斯事久矣今東都臺門所以不北何者蓋欲變古之制或建造者不習故事

耳龍朔中改司經局為柱房為東宮之憲府亦開北門以象御史臺其例明矣或云隋初移長安城造御史臺

時以兵部尚書李員通檢校御史大夫欲於尚書省近故開北門非也

籠架北省控制南

司

北魏崔暹為中尉尚書後牒索御史監選不與及暹為僕射還索御史宋游道判云崔僕射昔在憲司籠架

北省今居禮閣控制南司遂不與

大夫

前漢百官表御史大夫秦官

應劭曰侍御史之率故稱大夫云臣瓚曰茂陵書御

史大夫秩位上卿銀印青綬掌副丞相有兩丞秩千石

一曰中丞亦謂中丞為御史中執法中丞在殿中蘭臺掌圖籍秘書外督部刺史內領侍御史十五員受公卿奏事舉劾按章成帝綏和元年更名大司空金印紫綬祿比丞相置長史如中丞官職如故哀帝建平二年復為御史大夫元壽二年復為大司空

後漢百官志御史中丞一人千石本注曰御史大夫之丞也舊制監御史在殿中密舉非法及御史大夫轉為

司空因別留中為御史臺率

魏志建安置御史大夫不領中丞置長史一人

隋百官志秦置御史大夫以貳於相光武中興丞相與

御史俱為三公梁御史臺置大夫隋煬帝降大夫階為正

四品

唐職官志御史臺大夫一員

正三品秦漢之制御史大夫副丞相為三公之官魏

晉之後多不置大夫以中丞為臺主隋魏中復大夫降為正四品武德令改從三品龍朔改為大司憲咸亨復為大夫光宅中分為左右臺大夫及廢右臺去左右字本從三品會昌二年十二月勅大夫秦為正御漢為副

相漢末改為大司空與丞相俱為三公掌邦國刑憲肅
正朝廷其任既重品秩宜峻准六尚書例升為正三品
著之於令

唐百官志御史臺大夫一員正三品掌以刑法典章糾
正百官之罪惡中丞為之貳其屬有三院一曰臺院侍
御史隸焉二曰殿院殿中侍御史隸焉三曰察院監察
御史隸焉凡天下之人有稱寃而無告者與三司詰之
三司謂御史大夫中書門下也大事奏裁小事專達凡
有彈劾御史以白大夫大事以方幅小事署名而已有

制覆囚則與刑部尚書平關行幸乘輅車馬為導朝會
則率其屬正百官之班序遲明列於兩觀監察御史二
人押班侍御史專舉不如法者文武官職九品以上及
二王後朝朔望文官五品以上及兩省供奉官監察御
史貲外太常博士日參號常參官武官三品以上三日
一朝號九參官五品以上及衝當番者五日一朝號六
參官弘文崇文館國子監學生四時參凡諸生入朝及
以恩追至者日參九品以上自十月至二月袴褶以朝

五品以上有珂蕃官及四品非清官則否凡朝位以官
職事同者先爵爵同以齒致仕官居上職事與散官勲
官合班則文散官居職事之下武散官次之勲官又次
之官同者異姓為後親王嗣王任文武官者從其班官
卑者從王品郡王任三品以下職事者居同階品之上
非任文武官者嗣王居太子太保之下郡王次之國公
居三品之下郡公居從三品之下縣公居四品之下侯
居從四品之下伯居五品之下子居從五品之上男居

從五品之下以前官名見者居本品見任之上以理解者居同品之下本司參集者以職事為上下文武三品非職事官者朝參名簿皆稱曰諸公凡出不踰四面關則不辭見都督刺史都護既辭候旨於側門左右僕射侍中中書令初拜以表讓中書門下三品以上及諸司長官謝於正衙復進狀謝於側門兩班三品以朔望朝就食廊下殿中侍御史二人為使泣之

六典御史大夫一人從三品

後周北齊並不置大夫而以中丞為臺主隋諱中依

秦漢置御史大夫從三品

大夫之職掌邦國刑憲典章之政令以肅正朝列中丞為之貳凡天下之人有稱寃而無告者與三司詰之

五代百官志御史大夫從三品會昌六年升為正三品九國志吳世家武善元年改御史大夫為御史大憲

國朝官品令御史大夫正二品

上誠知人

前漢倪寬為御史大夫初梁相褚大通五經為博士時寬為弟子及御史大夫缺徵褚大

自以得御史大夫至洛陽聞寬為之褚大策及至與寬議封禪於上前大不能及退而服曰上誠知人寬為御

史大夫以稱意任職諫御樓船薛廣德為御史大夫直

故久無所用諫於上

便門欲御樓船廣德當乘輿免冠諫曰宜從橋陛下不

聽臣言臣自刻以血汚車輪上不說張猛曰臣聞主聖

臣直御史大夫言可聽上曰弄印高帝以御史大夫周

曉人不當如是耶乃從橋

史大夫印弄之曰誰可為御史大夫奏事日肝忘食張

者孰視趙堯曰無以易堯遂拜之

為御史大夫每朝奏日肝天

子忘食丞相但充位而已

黑白分明薛宣以明習文

丞是時成帝初即位宣為中丞執法殿中

數言政事舉奏部刺史郡國二千石所敗退稱進白黑

分明由是知名出為臨淮陳留二太守入中左馮翊遷

少府月餘御史大夫子永卒谷永上疏曰御史大夫內

承本朝之風化外佐丞相統理天下任重職大非庸材

所能堪今當選於羣卿以充其闕竊見少府薛宣才茂

行潔達於從政前為御史中丞執憲轂下不吐剛茹柔臣是用越職陳宣行能唯陛下留神考察上然之遂以

宣為大夫內承風化佐統理才茂行潔達於政並官府不敢

當舊位

杜延年字幼公周之子亦明法律為御史大夫居父官府不敢當舊位坐卧皆易其處論議

無所拂

于定國為丞相陳萬年為御史大夫與定國並位八年論議無所拂後貢禹代為御史大夫數

駁議定國明習政事率丞相議可長者

張歐為御史大夫歐為吏未嘗言按人專以誠長者處官官屬

以為長者亦不敢大欺上具獄事有可却却之燕入奏

不可不得已為涕泣面而封之其愛人也如此

事

周昌為御史大夫嘗燕入奏事高帝方擁戚姬昌還走高帝逐得昌騎項問曰我何如主也昌曰陛下即

桀紂主也於是上

不好立名

直不疑為御史大夫惟恐人之知其為吏迹不好立

名亦為

布被

汲黯謂上曰公孫弘位在三公俸祿甚多然為布被此詐也上問弘弘謂曰有之夫

九卿與臣善者無過黯然今日廷詰弘誠中弘之病夫以三公為布被者飾詐欲以釣名今臣弘位為御史大

夫為布被自九卿以下至於小吏無差誠如黯言且無黯陛下安聞此言上以為有讓益賢之**朝夕烏**

朱博為御史大夫府百餘區井水俱竭又其府中列柏樹常野烏數千棲宿其上晨去暮來號曰朝夕烏後去

不來者數月長老異之注云史言此者著御史大夫之職當廢也**名諸尚書問事**哀帝

元為御史大夫**質直**貢禹為御史大夫列於三公自禹名諸尚書問事在位數言得失書數十上天子下

其議雖未盡從**宰相之副**貢禹為大夫而華陰守丞嘉然喜其質直焉

名嘉上封事言治道在於得賢御史官宰相之副九卿之右不可不選平陵朱雲兼資文武中正有知略可使